



KEMENTERIAN PEMBANGUNAN
USAHAWAN DAN KOPERASI
MINISTRY OF ENTREPRENEUR DEVELOPMENT AND COOPERATIVES

KENYATAAN MEDIA MENTERI PEMBANGUNAN USAHAWAN DAN KOPERASI

KERAJAAN PRIHATIN DAN KOMITED MEMBANTU PERUSAHAAN KECIL DAN SEDERHANA (PKS), PERUSAHAAN MIKRO DAN KOPERASI DALAM MENDEPANI IMPAK PENULARAN COVID19

KUALA LUMPUR, 23 MAC 2020 – Kerajaan melalui Kementerian Pembangunan Usahawan dan Koperasi (MEDAC) amat prihatin terhadap impak dan kesan penularan Covid19 ke atas usahawan perusahaan kecil dan sederhana (PKS), perusahaan mikro dan koperasi. Memandangkan arahan terkini Kerajaan melaksanakan Perintah Kawalan Pergerakan (PKP) mulai 18 hingga 31 Mac 2020 di seluruh negara, banyak PKS, perusahaan mikro dan koperasi menerima kesan secara langsung.

Dalam usaha untuk meringankan beban dan membantu usahawan yang terlibat, MEDAC telah mengambil beberapa langkah proaktif dan pengumuman dalam memberi penangguhan sementara bayaran balik komitmen pembiayaan usahawan dan koperasi di bawah Bank Rakyat, TEKUN Nasional dan SME Bank mulai 16 Mac 2020.

Sehubungan itu, MEDAC akan meneruskan komitmen untuk membantu usahawan dan koperasi yang terjejas seperti berikut:

1. Penangguhan Bayaran Balik, Bantuan Pembiayaan, Pengeluaran Penuh Simpanan serta Penjadualan Semula Pembiayaan

TEKUN Nasional

- Semua usahawan TEKUN yang masih dalam tempoh pembiayaan layak untuk diberi penangguhan bayaran balik pembiayaan maksimum sehingga enam (6) bulan.
- Bantuan berbentuk pembiayaan bertindih (*overlapping*) dengan penambahan amaun pembiayaan daripada baki pembiayaan sedia ada

boleh diberikan kepada usahawan TEKUN Nasional yang terjejas dengan nilai maksimum sehingga RM10,000.

- Usahawan juga dibenarkan pengecualian khas untuk mengeluarkan keseluruhan simpanan. Pengeluaran simpanan adalah tertakluk kepada baki simpanan pembiayaan terdahulu dan pengeluaran simpanan bagi pembiayaan semasa (sekiranya ada) adalah tidak dibenarkan.
- Dijangka 20,000 usahawan TEKUN akan dapat menggunakan bantuan ini dengan anggaran kos sebanyak RM180 juta.

Suruhanjaya Koperasi Malaysia (SKM)

- Koperasi diberi tambahan tiga (3) bulan untuk mengadakan Mesyuarat Agung Tahunan. Perlanjutan tempoh ini dijangka dapat memanfaatkan sebanyak 14,600 koperasi.
- Koperasi juga boleh memohon penangguhan bayaran balik pembiayaan Tabung Modal Pusingan (TMP-JPK) serta lain-lain pembiayaan sedia ada oleh SKM. Penangguhan ini akan diberi pertimbangan sewajarnya dan dijangka melibatkan anggaran kos sebanyak RM16.5 juta.

Bank Rakyat

- Menawarkan moratorium kepada individu dan syarikat dalam industri yang terjejas seperti penerbangan, pelancongan dan pengangkutan dengan tempoh penangguhan selama enam (6) bulan.
- Pengurangan sebanyak 50% kadar keuntungan untuk pengeluaran wang tunai berbanding 18% kadar sebelumnya.

SME Bank

- Inisiatif penangguhan pembayaran selama enam (6) bulan serta penstrukturan semula pinjaman mengikut kes. Penangguhan ini dijangka akan memberi manfaat kepada lebih 2,800 pelanggan SME Bank dengan nilai pembiayaan berjumlah RM4.5 bilion.

2. Pengecualian Sewa Atau Pengurangan Sewaan Bangunan

UDA Holdings Berhad

- Pengecualian atau pengurangan sewa kepada penyewa premis dan ruang milik UDA Holdings Berhad.
- Seramai 1,500 penyewa dijangka dapat menerima manfaat dari bantuan ini dengan melibatkan kos sebanyak RM4 juta.

Suruhanjaya Koperasi Malaysia (SKM)

- Koperasi diberi pertimbangan pengurangan sewaan bangunan yang diurus SKM sehingga maksimum 50% untuk tempoh masa tertentu.

Malaysian Global Innovation and Creativity Centre (MAGIC)

- Pengecualian sewa selama lima (5) bulan kepada penyewa Co-Working Space (CWS) di MAGIC, Cyberjaya dan B744 Kuching.
- Seramai 50 usahawan akan menerima manfaat ini.

SME Bank

- Memberi penangguhan sehingga enam (6) bulan bagi sewaan Kompleks Premis Usahawan SME Bank melibatkan 248 penyewa dengan penjimatan kos sewaan berjumlah RM2.3 juta

3. Pembiayaan Perniagaan

Bank Rakyat

- Menyediakan pembiayaan tambahan berjumlah RM200 juta bagi menampung keperluan koperasi serta perusahaan mikro dan PKS mulai 23 Mac 2020, tertakluk kepada syarat-syarat yang ditetapkan. Sebanyak 500 koperasi dan 2,000 mikro PKS akan dapat menikmati faedah pembiayaan ini. Program pembiayaan adalah merangkumi Program Pembiayaan Khas BizCare bagi usahawan PKS, mikro dan koperasi serta Program Pendahuluan Tunai Kad Kredit-i.

SME Bank

- Membantu dalam bentuk pembiayaan sehingga RM1 juta untuk tempoh 5.5 tahun pada kadar 3.75% kepada usahawan yang layak di bawah skim *Special Relief Facility* (SRF) yang diperuntukkan oleh Bank Negara Malaysia (BNM).

4. Latihan Keusahawanan dan Perniagaan

- Latihan dan program keusahawanan dan perniagaan akan diteruskan secara talian oleh INSKEN, Magic dan Institut Koperasi Malaysia (IKM).
- Pemulangan semula yuran pendaftaran bagi pembatalan program oleh INSKEN.

5. Kelulusan Pendaftaran Sijil Taraf Bumiputera

- Pendaftaran sijil taraf bumiputera akan diluluskan walaupun siasatan premis belum dilakukan. Selepas tarikh tersebut, siasatan akan dilaksanakan semula dan lesen pendaftaran akan dibatalkan bagi syarikat yang tidak memenuhi taraf bumiputera.

Dengan pengumuman ini diharapkan usahawan PKS, mikro dan koperasi dapat menjalani tempoh PKP dengan positif serta yakin bahawa Kerajaan sentiasa prihatin dengan isu yang melibatkan usahawan seluruh negara.

Sebarang pertanyaan berhubung perkara tersebut bolehlah layari di www.medac.gov.my. Butiran lanjut berhubung tindakan segera oleh agensi di bawah MEDAC ini adalah seperti di Lampiran.

YB DATO SRI DR. HAJI WAN JUNAIDI BIN TUANKU JAAFAR
MENTERI PEMBANGUNAN USAHAWAN DAN KOPERASI
23 MAC 2020